

2774

262.1

4-77

1907

3-2738a
00
Dr. A. W. H. H.

ԿԱՆՈՆԱԴՐՈՒԹԻՒՆ

ԿՈՏԷԻՑ ԳԱԻԱՌԻ

(64)

ՀԱՅ ՔԱՀԱՆԱՆԵՐԻ

Մ Ի Ո Ւ Թ Ե Ա Ն

—**—

Կ Ա Ջ Մ Ե Ց

Գ Է Ո Ր Գ Ք Յ. Ա Խ Ո Յ Ե Ա Ն Ց

—***—

Վ. Ա. Դ. Ա. Ր. Շ. Ա. Պ. Ա. Ս.

Նյութաբանական Սրբոյ Էջմիածնի

1907

262.1
4-77

№ 2001

2010

3-2738a

262.1

4-77

ՍՖ

Պ Ա Տ Ճ Է Ն

ՄԿՐՏԻՉ ԺԱՌԱՅ ՅԻՍՈՒՍԻ ԲԲԻՍՏՈՍԻ ԵՆ ԱՆՃԱՍԱՆԵԼԻ ԿԱՄՕՔՆ ԱՍՏՈՒԹՈՅ ԵՊԻՍԿՈՊՈՍԱՊԵՏ ԵՆ ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ ԺԱՅՐԱԳՈՅՆ ՊԱՏՐԻԱՐԲ ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՒՌՈՅ ԱՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ ԷԶՄԻԱՇՆԻ Արժանապատիւ անդամոց Միութեան քահանայից Լկեղեցեաց Հայոց շրջանին Կոտայից գործակալութեան, հարազատ որդւոց Մայր Աթոռոյս նուիրեմք սղջոյն և Հայրապետական օրհնութիւն:

Ընկալաք զԿանոնադրութիւն Միութեանդ, և հասու եղեալ բովանդակութեան սղջոյն յօղուածոց նորին, բարւոք համարեցաք զձեռնարկութիւն քահանայական Միութեանդ: Մխիթարութիւն է Մեզ տեսանել, զի կանխագուշակ հեռատեսութեամբ, բազում ջանիւք տքնեն սպասաւորք Եկեղեցւոյ մերոյ ըստ հանգամանաց ժամանակիս՝ գործել միաբան սրտիւ և խորհրդեամբ անթերի հովուել զհօտ իւրեանց և լրիւ կատարել զպարտիսն, զորս յանձն առեալ է նոցա ի կոչման իւրեանց: Ակն ունիմք, զի այսու եղանակաւ ունիք օր քան զօր ծաղկեցուցանել զմտաւորական և զտնտեսական կացութիւն Ձեր՝ յօգուտ բարոյական զարգացման հօտիցդ ի Ձեզ հաւատացելոց

ՊՈՒՅ. № 21089

և յապահովութիւն նիւթական միջոցաց համերաշխ Միութեանդ:

Արդ այսու Հայրապետական Կոնդակաւս հաստատեալ Մեր զԿանոնադրութիւն Միութեանդ, հայցեմք յԱմենակալ Տեառնէ, շնորհել անդամոցդ Միութեան յարատև ուղղամիտ գործունէութիւն, յաջողութիւն և անկեղծ սէր եղբայրական ի կատար ածել զօգտաւէտ բաղձանս Ձեր:

Ողջ լիջիք և պահպանեալ ի խնամս Ամենազօր Փրկչին մերոյ և օրհնեալ ի Մէնջ: Ամէն:

Ի վերայ իսկականին ստորագրեալ է՝
ՄԿՐՏԻՁ Կարուղիկոս Ամենայն Հայոց

Ի 4-ն Յուլիսի 1907 ամի

և ըստ տամարիս ՌՅԾՁ

Ի Հայրապետութեան Մերում ԺԴ. ամի
յԱրարատեան Մայր Աթոռ Ս. Էջմիածնի

Ի Վաղարշապատ
Թ. 1134.

44948-ա. ի.



29489-63

Երկար մտածմունքներից ցանկալի էր համարում եղբայրական-երիցական համախմբման կարծիքների փոխանակութեամբ մտքերի ամփոփումն, յարաբերութիւնների որոշ հիմքերի վերայ դրուելն Կոտէից գաւառի հայ քահանաներիս մէջ. որոշ պայմանները յարաբերութեան իւրաքանչիւրի իրաւանց հաւասարակշռութեան սահմանները, դրութեանց բարւոքումն. ծխակատարութեան ձեռնարկի միակերպութիւնը ամեն եկեղեցում, անասական գոյութեան համար որոշ սահմանումները. ժողովրդի հետ՝ յարաբերութեան վարմունքի իրաւանց չափը, տուրքերի բաշխման որոշումները, տեղական սովորութեան կարգ դառած կանոնները, իւր եղբայրական քահանայական պարտաւորութեան պատահական ժամանակաւոր կատարման մէջ վարձատրութիւնը. և այլն հանգամանքների բարդութիւնից յառաջացած դժգոհութեանց բաւարարումն խաղաղարար միջոցաւ. ժողովրդի բարոյական բարձրութեան մտաւոր մակերևոյթի զարգացման համար գրասիրութիւն տարածելն. կրթութեան մասին մտախոհ հոգալն միջոցների ձեռնարկութեամբ և օգնելն. հոգևոր իշխանութեան բարոյական հեղանակութեան բարձրացման մէջ՝ էական պարտաւորութիւնը. ընկերական խնայողական դրամարկղի հաստատուն հիմքերի, և սկզբունքների վերայ դնելն. և որն արդարացի պահանջներն էին Ց.ին սեպտեմ. 1905 թ. տան և հօթ քահանայից ստորագրութեամբ տրւած խընդիրը Հայոց Երևանայ Կոնսիստորիային խորհրդածութիւնները քահանայից բարեհաճեց օրինական ճանաչել. և քահանայական ժողովը պաշտօնապէս ժամանակի գործակալութեան միջոցաւ հաստատեց հետեւեալ գրութեամբ. որ է այս. «Պաշտ. Գործակալին Կոտ. արժ. Յակոբոս քահանայի. ի վերայ յայտարարութեան իմոյ № 120 բարձրապատիւ փոխ. Թեմակալ Տ. Կարապետ վարդապետն մակագրեալ է զհետագայն». Հաճ հաւան գտեալ ընդ խորհուրդ գումարելոյ երբեմնակի դժողով քահանայից վիճակին Կոտայից առ ի խորհրդածելոյ զեղանակաց բարւոքման կացութեանց իւրեանց յանձն առնելը Տ. Լևոն վրդպի. ընդ ներելոյ հանգամանաց նախագահել երբեմն ժողովոյն և ջանալով ի բարի նպատակն ուղղել զխորհրդածութիւն նորա զեկուցանել մեզ զընթացից և զարդեանց:

Գործակալ Լեւոն վարդապետ.

Ընդ իսկականին ուղիղ է՝ Պատ. Գործակալ Յակոբոս Բնճյ.

Ի 20-ն Սեպ. 1905 թ.
Երևան.

Արժանապատիւ եղբայր մեր ի Քրիստոս

Գեորգ քհնյ. Ախոյեանց,

Պատուակից Տէր. Մենք Կոտէից չրջանի գործակալութեան
ենթարկուող քահանաներս Ձեր հեռատեսութեան չնորհիւ համա-
խմբուելով ի մի, կազմեցինք Ընկերական-Երիցական Միութիւն.
Ի նկատի առնելով մեր տնտեսականի բարելաւումն և բարոյականի
բարձրութիւնը. հասու լինելով Ձեր ուշիմ խոհականութեան՝ պէտք
էր և մեզ կանոնադրութիւն որով անշեղ առաջնորդուէինք. միա-
ցեալ բարոյական և նիւթական ուժով սահման դնելով մեր ապա-
գայ գործունէութեան. այս առթիւ դիմում ենք Ձեզ, որպէս գի-
տակից խելահասի՝ կազմել ծրագիր. լիայոյս լինելով և, ընդունա-
կութիւն ունիք ծննդական մտաւորութեամբ. չենք երկբայում մեր
խնդրի իրագործմանը, մեր պարտաւորութիւնների և իրաւունք-
ների որոշիչ մանրամասն կանոնները կազմած տեսնել Ձեր խոհուն
հասու իմացականութեամբ. վստահ լինելով՝ մերժման չենք արժա-
նանայ և որի մասին ստորագրում ենք քո հաւասարապատիւ և զ-
բայրներդ:

Ասորագրութիւնք Բահանայից.

Նորին Վեհափառութեան

Ամենապատիւ Մայրագոյն Պատրիարքի Աստուածա-
բեալ Հայրապետի և գերագահ Կաթողիկոսի ամե-
նայն Հայոց Տ. Տ. Մկրտչի Ա.

Կոտէից Գործակալութեան Երջանի Քահանայական
Միութեան անդամներից

Խոնարհաբար խնդիր.

Աստուածարեալ Քահանայապետ. Ժամանակի պահանջները
ամեն դասակարգի անձնաւորութեանց զգալ է տալիս իւր գոյու-
թեան պայմանների բարելաւման համար մտախոհ լինել. ընդլայ-
նել կենսական միջոցները, կուլ չգնալու ժամանակի բուռն դառ-
նաղէտ ալիքներին. իրականութիւնը միութիւն է պահանջում կեանքի
կուրի ասպարիզում չընկճուելու և թէ ոչ յաղթող, գոնէ իւր գո-
յութիւնը քարշ տալով մտածում է և իւրայնոց մասին հոգալ. նա
մանաւանդ գաւառական քահանաներիս համար, որոց կեցութեան
հասու լինելու համար ժամանակներ են պէտք և դարման.
Օգտուելով Ձերդ Վեհափառութեան տրուած հաւասարակշիռ իրա-
ւունքներից ի 20 Սեպտ. 1905 թ. համարաւ 125 թոյլատրուեց
Երևանայ Փոխանորդից. և այդ օրէն կազմած ունենք Միութիւն և
խորհում ենք մեր կեանքի առօրեայ ընթացքի եղելութիւններին:
Սակայն Տէր մեր և տնօրէն, հազիւ մեր տկար մտքերի արտա-
դրուած կանոնները համարձակում ենք սփռել Ձերդ Վեհափառու-
թեան լայնախորհուրդ լոյսաթոյր աչաց առջև. լիայոյս լինելով և
չնորհ կունենանք Քահանայապետիդ օրհնութիւնն և հաստատու-
թիւնն ստանալ ի խրախոյս մեր գիւղական քահանաների ապա-
գայ գործունէութեան նպատակին, որի մասին և սպասում ենք: Քո
խոնարհ որդիք:

Ասորագրութիւնք Բահանայից.

1907 թ. 5-ին Մայիսի
Պտղնի գիւղ. Կոտ. Գ.

- ժբ. Ժողովրդի մէջ հնարաւորութեան չափով ընթերցանութիւն տարածելն ու օգնելն.
- ժգ. Հոգեւոր իշխանութիւնների բարոյական բարձրութեան բարեացակամ հանդիսանալն օրինականապէս.
- ժդ. Միակերպութիւն եկեղեցական արարողութիւնների շրջանիս բոլոր եկեղեցիներում.
- ժե. Կազմել խնայողական դրամարկղ որոշակի կանոններով.
- ժզ. Օգնել դրամական նպաստով զառամեալ քահանային իրեն հասանելի տուրքերից կամ որոշ միջոցների սահմանումներ

Բ.

Որոշած նպատակների իրական միջոցներ.

- 2 Քահանայական Միութեան ունենալ գրադարան որոշուած գիւղում, որը շրջապատուած է մերձաւոր գիւղական համայնքներով նայած յարմարութեան, թէ գիւղական քահանաների մշտաւոր խօհականը լուսաւորելու՝ և թէ ժողովրդեան լայն խաւերում գրասիրութիւն տարածելու. կարեւոր դէպքերում հրաւիրել ձեռնահաս գիտակ անձնաւորութիւններ դասախօսելու նոյնը և խելահաս քահանաներ. որոշելով և գրքերի որակը.
- 3 Քհնյին. Միութեան նիւթական ազգիւրներն են՝
 - ա. Անդամավճարներ.
 - բ. Գումարներից գոյացած եկամտի տոկոսներ.
 - գ. Կամաւոր նուէրներ քահանաների օրինակատարութիւնների ժամանակ.
 - դ. Նուիրատութիւններ.
 - ե. Քահանաների տարեդարձի, անուանակոչութեան ստացուած տուրքը.

- զ. Քահանաների աներուժ եղած օրինակատարութիւնները, մկրտութիւն, պսակ, թաղումն, տնօրհնէք, գերեզմանօրհնէք և այլն.
- է. Չատկական մատաղների մորթիները—կաշիները.
- ը. Քահանայից տարեկան քսան և հնգական լիտր տուած ցորենը շտեմարանի համար.
- 4 Միութեան գանձարանում թողնուած է առ ձեռն պատրաստի դրամ երեք հարիւր մանէթ գիւղական քահանաների կարեւոր պահանջներին բաւարարութիւն տալու համար. իսկ յաւելացած դրամները, տոկոսները պայմանաւորուած սահմանումներով մնում է վարչութեան իրաւասութեան ներքոյ և նրանց դործելակերպի որոշմունքներին ընդ պատասխանատուութեան ժողովի:
- 5 Ներքին կանոններով սահմանուած՝ դրամները փոխ տրուած է Միութեան անդամներին որոշուած քանակով այն է 20—30 մնթ. մի և կամ երկու ամիս ժամանակամիջոցի. մանէթին մէկ կոպ. տոկոսով և այն՝ փոխադարձ երաշխաւորութեամբ իւր երկու ընկերների և նախագահի հաստատուով:

Գ.

Անդամների պարտաւորութիւններ, իրաւունքներ, Միութեան գոյութիւնը պահպանելն եւ կազմը.

- 6 Քահանայական Միութեան անդամներ կարող են լինել Կոտէից դաւառի այն քահանաները, որոնք ունին հաստատուն ծխականներ որոշ համայնքներում՝ և պաշտօնավարում են. նաև արտօնուած է շրջանից դրսի քահանաներին միանալը, երբ լիակատար կվճարեն 3. և 7. յօդուածների պարունակութիւնը:

- 7 Իւրաքանչիւր անգամ Միութեան գանձարանին տալիս է մի բուրլի քսան կոպ, նոյնպէս և 3. յօդ. ա—ը աղբիւրները:
- 8 Միութեան յարող քահանաները խնդրագրով դիմելու են նախագահին և ժողովի համաձայնութեամբ անգամ համարում են, երբ՝ 1, 2, 3 և 7. յօդ. պարունակութիւնը կատարելու գործ և ցանկութիւն յայտնեն.
- 9 Ամսավճարներ, տսկոսներ, օրինակատարութիւններից ստացուած եկամուտներ, նուէրներ և այլ կողմնակի մուտքեր գանձուում է Վարչութեան գանձապահի մօտ. ժողովի և նախագահի գիտութեամբ և որոշմամբ:
- 10 Միութեան անդամները չմասնակցող, Միութեան դրամարկղին չյարող քահանաների վերայ բռնութիւն, ճնշումներ գործ դնելու իրաւունք չունենալ. թեր և դէմ կարծիք սփռող քահանաներին զգուշութիւն հրաւիրել, չլսելու դէպքում, իսպառ կտրել յարաբերութիւնները իբրև բարոյական պատիժ:
- 11 Միութեան գանձապահ անձնաւորութիւնը, իրաւունք չունի ստանձնած ընկերական դրամը առանց ժողովի գիտութեան ի հաճոյս յանձնելու որ և է անդամին գործադրելու. եթէ գործադրել է սրբան և երբ՝ մանէթին մէկ կպվճարելու է ամսական. բացառութիւն երբ ժողովի որոշմունքով կարևոր դէպքերի համար առձեռն պատրաստի դրամ թողնուած է:
- 12 Պատուաւոր անգամի կոչումն ստանում է նա՝ երբ իւր գործունէութիւնով ու ջանքերով Միութեան համար արդիւնաւոր ծառայութիւններ արած կլինի. և դրամարկղի միջոցներին լայն ծաւալ օգտակարութիւն կունենայ:
- 13 Իւրաքանչիւր համայնքի օրինաւոր քահանայ ճանաչուում է նա՝ երբ ձեռնադրուած է ի հովու-

- թիւն տեղական գիւղական ժողովրդականաց, և կամ բարձրագոյն իշխանութիւնից պաշտօնապէս հրաւիրուած հաստատուածը:
- 14 Համայնքի ծխատէր քահանայի բացակայութեան դէպքում, մերձաւոր հրաւիրուած քահանան կատարելու է ընկերական պարտաւորութիւնները, ստացուած վարձատրութիւնը հասցնելու է ծխական քահանային. յօդ. 1. բ—ը.
- 15 Գիւղական քահանան տանը եղած ժամանակ, մօտաւոր քահանան յաւակնութիւն չունենայ իրաւունքների սահմանումները ստանահարելու, կորսնցնելու հաւասարակշռութիւնը, կրքերի ու գծագծութիւնների պատճառ դառնալ ու կատարել օրէնքներ իւր խնամքութեան սիրաշահութեան սին պատուոյ համար. այնպիսիների հետ Վարչութիւնը վարուելու է. համաձայն 17, 18, 38, 40, 42. ինչպէս խախտող 1. յօդ. ա—ը. հիմունքները և կենթարկուի 23. յօդ.:
- 16 Միութեան անդամների վերայ հոգևոր հիմնարկութիւններին ժողովրդից տրուած բողոք-խնդրագիրը՝ վերագարձնել քահանայից ժողովի նախագահին՝ վերապահութեամբ, եղած կամ պատահած դէպքերի իսկութիւնը պատուոյ և կամ միջնորդ դատարանով վերջաւորելու և տեղեկագրելու, բացի քրէական դիպուածներից:
- 17 Զանցառու, վարմունքներից զուրկ պակասութիւն ունեցող անդամներին, սահմանուած կանոնների իրագործումն. յանդիմանութիւն, զգուշութիւն հրաւիրելն, տուգանքի ենթարկելն, բարոյական պատժի արժանի համարելն Վարչութեան գործադիր մարմնի իրաւասութիւնն է համաձայն 40, 42 յօդ.:
- 18 Վարկ ու համարում ստանահարող, արբեցողութիւնով պարապող, կախարդութեան հետևող, քահանայ անուան արատ բերող Միութեան

- անդամին՝ տուգանքի ենթարկել և ժամանակաւոր հեռացնել իրաւունքների սահմանափակումով. համաձայն 5, 17, 40, 42 և 25. յօդ. 19
- Հոգևոր իշխանութիւնները, հեռատեսութեամբ և սրտատեսութեամբ մտնելու են քահանաների ներկայ ու ապագայ դրութիւնների վերաբերութիւնների մէջ, թէ որպիսի բաւարար միջոցներով սնոււմ և սնուցանում են իրենց անդամաշատ գերդաստանը, և թէ ժողովրդից առաջարկուած քահանայացուների ընդունելութեան խնդրագիրը վերապահութեամբ վերադարձնել քահանայական ժողովի հայեցողութեան քննութեանը, ներկաներին առանց կարևորութեան չղոհել, ենթարկուել կուսակցութիւնների, խնամէութիւնների և կամակորութիւնների և ապրուստների դառն միջոցներ ստեղծել:
- 20 Քահանայագործելու անընդունակ եկեղեցւոյ բազմամեայ պաշտօնեային, որոշ քանակութեամբ կազմել ապրուստ ծխականների եկեղեցւոյ դրամներին՝ ծուխ հովուող քահանայից ի նկատի առնելով ժողովրդի դրութիւնը տուրքերի և հասանելիքների վերաբերմամբ:
- 21 Հոգևոր իշխանութեան ներկայացուցիչ պաշտօնեայն-գործակալը լինի ընտրուած անձնաւորութիւն, և ոչ նշանակուած, սահմանումներ լինին հատանելիքներին որակի և քանակի վերաբերեալ. հաստատուն առնչութիւն, խղճատաւոր պարտաճանաչութիւն և ստիպմունքների վերայում:
- 22 Միութեան մասնակցող անդամները իրենց առօրեայ զրկանքներով կազմում են վերոյիշուած դրամակողմ տեսողութեան ժամանակամիջոցը որոշելով տասնեւհինգ տարի. դրամների յաւելացած դէպքում, արքունական, վաճառակա-

- նական և կամ հասարակական դրամապահեստների ի շահեցողութիւն յանձնելն, արժէթըրթերի խաղարկութեան տոմսերի գնելու, բարենպաստ նպատակների գործադրութեան իրաւունքը՝ միմիայն քահանայական ժողովի ընդհանուր միութեան որոշումն է. յօդ. 4.
- 23 Պայմանաւորուած ժամանակամիջոցից առաջ դուրս եկող անդամն, զրկոււմ է իւր միութեան դրամակողմ տուած հասանելիքների բաժնից, հասոյթները մնում են յօգուտ կոտէից գաւառի անդամակցող քահանաների գանձարանին. նա և՛ զրկոււմ է բողոք-վէճ յարուցանելու իրաւունքներից ընդդէմ քահանայական Միութեան. յօդ. 3, 5, 6, 7, 22. միջոցների սղութեան պատճառները յայտնել նախագահին խնդրագրով:
- 24 Միութեան անդամակցող քահանայի մահանալիս՝ իւր յաւելեալ դրամաբաժինը ստացուած հասոնելի տոկոսով յանձնուելու է քահանայի այրւոյն և կամ հասակաւոր որբերին. իսկ եթէ թողնեն Միութեան տրամադրութեան տակ, ստանալու են քանակի տարելից տոկոսը, բացի 3. յօդ. բ, գ, դ. ե, զ, է, ը. որոշմունքներից:
- 25 Փոխ դրամ վեր առնելու միմիայն արտօնուած է Միութեան անդամներին, կողմնակի անձնաւորութիւնները զրկուած են այդ իրաւունքներից. յօդ. 5.
- 26 Անդամակցող քահանայի մահուան ծախսերը հոգում է Միութիւնը իւր յաւելեալ դրամի քանակով. եթէ չունի ժառանգներ՝ մնացեալն մնում է յօգուտ քահանայական գանձարանին:
- 27 Միութեան անդամների հիւանդութեան, ցաւագարութեան դէպքերում նրանց բուժելու ծախսը հոգում է իւր սեփական միջոցներից քահանայական կազմը, առողջութիւնը վե-

րականդնած դէպքում՝ ծախսուած դրամները տոկոսիքով վերադարձնելու ազագաւ:

28 Փոխ դրամ վեր առնող չհատուցանող անգամին, հանուր ժողովի մէջ յանդիմանութիւն կարգալուց յետոյ՝ արձանագրել նրա դիտաւորեալ կեղծութիւնը, զրկելով նրան՝ 23, 25, 17, 7 և 3, յօդ. համաձայն. և կենդանի մեռած համարել, ծանուցանելով Միութեան շրջանի ժողովըրդոց:

Դ.

Ընդհանուր ժողով.

29 Քահանայական Միութեան ընդհանուր ժողովը լինելու է տասնեկերկու անգամ բոլոր անգամակցողների ներկայութեամբ:

30 Ժողովից բացակայ գտնուող անդամն՝ առանց օրինաւոր պատճառների և գրաւոր ցուցմունքների, ենթարկուած է ա. անգամին՝ մէկ, բ. անգամին երկու րուբլի տուգանքի, գ. անգամին իրաւունքների զրկումների, ներուած է յարգելի և անկարող հիւանդութեան պատճառները:

31 Անյետաձգելի հարցերի, խնդիրների կարեւոր պահանջ զգացւած յարուցած պատահելի վէճերի առթիւ՝ արտակարգ ժողով կարող է լինել նախագահի և կամ վերստուգող մասնաժողովի պահանջով:

32 Դրական խորհրդածութիւնները, նախագահի կողմից նախօրօք ծանուցուելու է ընդհանուր ժողովի անդամներին օգնականի ձեռամբ՝ ոչ պակաս տասն օրից. և այն՝ գրաւոր. որպէս զի խորհրդի դիտումները, որոշմունքները, կարծիքների ամփոփութիւնը լինի կանոնաւոր. յօդ. 1:

33 Միութեան անգամակցող քահանաները՝ ձայնի հաւասար իրաւունք ունին ժողովի ժամանա-

կում, ձայների հաւասարութեան նժարին՝ առաւելութիւնը տրուած է նախագահին որ կողմի հետ միանում է:

34 Քահանայական ժողովի անգամի բացակութեան դէպքում յօդ. 30. չէ ընդունուած ժողովի կողմից գրաւոր կամ բանաւոր ձայնի իրաւունք յանձնարարելուն իւր ընկեր անդամներից որ և է մէկին:

35 Նախագահի սահմանումով և ժողովի որոշումով կարգադրուած է ի մի հաւաքուելուն օրը. ամսի քանիսին, ում մօտ. և այն հերթական շրջիկ կարգով:

36 Ընդհանուր ժողովի կանոնաւոր է համարուած երբ ներկայ են բոլոր անգամակցողները և կամ $\frac{3}{4}$ ը—մեծամասնութիւնը:

37 Հրաւիրաթերթին ստորագրող անգամը պարտաւոր է օրօք առաջ նախ քան ժողովի գումարումն յայտնել իւր բացակայութեան յարգելի պատճառները. յօդ. 30. 34.

38 Կարեւորութիւն զգացած ժամանակում ժողովի համաձայնութիւնով և կամ նախագահի հրաւիրմամբ կարող են ձեռնահաս խորհրդատու անձինք ներկայ լինել, նոյնպէս և պատուաւոր կոչուած անձնաւորութիւնը:

39 Անդամների ընդհանուր կազմը, գաղանի քուէարկութեամբ ընտրուած է իւր հասու անգամակցող ընկերներից նախագահ, փոխ-նախագահ և քարտուղար:

40 Վարչութեան նախագահը իրաւատէր է մի տարէն ժամանակի. անգամակցող ընկերները գտնուած են նրա անմիջական իրաւանց ներքոյ, ունի իրաւունք քննելու նրանց գործունէութիւնը, հսկելու նրանց բարոյական պարտաւորութիւնների ճիշտ կատարման. ժողովրդի հետ ընդհարում պատահած դէպքում, կարգադրել

հասու խղճմտաւոր անդամակցող քահանաներից մասնաժողով. իսկապէս ճշմարտութիւնը թիւրիմացութիւններից բաժանելու, բռնկուած կրքերի բորբոքումները խաղաղարար ելքով վերջաւորելու, յուզմունքները հնարաւորութեան չափով դադարեցնելու, համերաշխութեան ոգին արգարամտութեամբ վերականգնելու առանց դիմակաւորուած կողմնապահութեան, համ. 1.

յօդ. ա. բ. գ. է. թ. ժ. որոշմանց:

41 Խաղաղարար մասնաժողով կարգել ժողովրդոց մէջ պատահած վէճերին, դժգոհութիւններին հնարաւորութեան չափով վերացնելու, խաղաղութիւն տարածելու:

42 Ընդհանուր ժողովը տնօրինող է կազմութեան բոլոր գործերին վերաբերեալ. նրա զբաղմունքները լինելու են հետեւեալ պարունակութիւն ունեցող խնդիրների առնչութիւնները.

ա. Վարչութեան ներկայացրած տարեկան հաշիւների լիակատար քննութիւնը.

բ. Վարչութեան անդամների և նրանց գործունէութեան եղանակը, վերատուրդով մասնաժողովի ընտրութիւնը.

գ. Անդամների կամ Վարչութեան մէջ ծագած բողոքները, տարաձայնութիւնները, թիւրիմացութիւնները, յարաբերութիւնների լարուելը, ընկերական վերաբերութեան խախտումները, պարտաճանաչութիւնից դուրս գալը, կանոնադրութեան զանց առնող ընկերներին հեռացնելն, իրաւազուրկ առնելը, տուգանքի ենթարկելն. 1, 3, 17, 22, 23, 28, 30, 33, 34.

դ. Անդամների տուած տեղեկութիւնների քննութիւնը.

ե. Կանոնադրութեան փոփոխութիւնը և կամ քրննութեան ենթարկելն:

զ. Միութեան գաղաբեցնելու խնդրի քննութիւնը:

Ե.

Վարչութիւն.

43 Ընդհանուր ժողովի գործադիր կազմը Վարչութիւնն է, որը և պատասխանատու է ընդհանուր ժողովի անդամակցողների առաջ իւր գործելակերպով.

44 Վարչութեան անդամ ընտրուած է ընդհանուր ժողովը իւր անդամներից գաղտնի քուէարկութիւնով մի տարէն ժամանակի. յօդ. 39.

45 Վարչութեան ընտրուած անդամները պարտակաւորութիւն ունին ընդհանուր ժողովի որոշումները լրիւ կատարելու, գրագրութեան և հաշուապահութեան անթերի վարելը, դրամարկղի կանոնաւորութեան վերայ հսկելը, զեկուցումների տրուած յայտարարութիւնների պարունակութիւնները կատարելը, ընկերական միութեան միջոցների լայն արդիւնաւոր ազբիւրների գլտնելն, նուիրաբերուած եկամուտների տոկոսների օրինակատարութիւնների ճիշտ հաշուէտուութիւնը, մատեանների պաշտօնական գրութիւնների պատասխանատուութիւնը:

46 Վարչութեան գործադիր մարմնի անհրաժեշտ պարտաւորութիւնն է տարեվերջին ընդհանուր ժողովին հաշիւ ներկայացնել առանց յետաձգելու:

47 Ամսավճարները և բոլոր եկամուտները գանձուում է ամսէ ամիս Վարչութեան գանձապահի մօտ. և նոյն ընդհանուր ժողովին տրուում է մանրամասնօրէն հաշիւ. գանցաւունքների հետ վարուում է նախատեսուած 17, 18, 23, 28, 40, 42 յօդ.:

48 Քահանայական Միութեան ունենալու է կնիք, մէջը խաչ ողկոյզով պատած. շրջանակի վերայ փորագրուած «Կոտէից գաւառի Հայ Քահանայից Միութիւն»:

2-8489-67

Զ.

Վերսուգող մասնաժողով.

49 Ընդհանուր ժողովի հաճ հաւանութեամբ գաղտնի քուէարկութիւնով տարէն երկու անգամ ընտրուում է Վերստուգող մասնաժողով և այն՝ կազմուած երեք անձնաւորութիւններէց, որոց պարտականութիւնն է Վարչութեան բոլոր ունեցած ու վարած գործերի անաչառ քննութիւնը:

50 Վերստուգող մասնաժողովի անդամները, Վարչութեան անդամներից չեն կարող լինել, այլ՝ անգամ ընկերներից, որոնք ոչ մի վարչական գործ յանձն առած չեն տարուայ ընթացքում:

51 Ժողովի անդամները իրաւունք ունին անկախ մասնաժողով կազմելու առանձնապէս քննելու իրենց առօրեայ ընկերական շրջանի վերաբերող ընկերոջ թերութիւնները, խելահաս դարմանի միջոցների դիմելու և իրենց կազմած արձանագրութիւնը ներկայացնել ընդհանուր ժողովին ի քննութիւն:

52 Մասնաժողովը, միւս խորհրդակցական ընկերութեան անդամները իրաւունք ունին բողոք ներկայացնել Վարչութեան անդամների վերայ ընդհանուր ժողովին, նախօրօք ժամանակաւոր գործադիր մարմին ընտրելով, ճշտիւ քննելու նրանց ունեցած թերութիւնները:

Է.

Գաղարումն Միութեան.

53 Միութիւնը գաղարեցնելու որոշեալ ժամանակամիջոցում անհրաժեշտ է ժողովի մեծամասնութիւնը 3/4:

54 Եթէ Միութիւնը փակէ ընկերական դրամարկղի գոյութեան շարունակութիւնը որ և է պատճառով՝ իւր սեպհականութիւնը տնօրինում է ընդհանուր ժողովի կամքի համաձայն:

55 Այս կանոնադրութիւնը հաստատում է Ամենայն Հայոց Վեհափառ Քահանայապետը և ապա մտնում է հիմնական-օրինական գործադրութեան մէջ:



